

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- अंतर्राष्ट्री मुद्रा कोष नै अपने मदादी कार्यक्रम दी अगली किश्त जारी करने आस्तै पाकिस्तान पर 11 नमियां शर्ता लाइयां न ते चेतावनी दिती ऐ जे भारत कन्नै तनोतनी दे चलदे, इस योजना लेई जोखिम होर बधी सकदा ऐ।
- पुंछ जिले च पिच्छले दिनें पाकिस्तान आसेआ दागे गेदे 42 शा मते नेई फटे दे शैल्लें गी सुरक्षाबलें कामयाबी कन्नै तबाह करी दिता ऐ।
- सुरक्षाबलें शोपियां च आतंकवादिएं दे द'उं मददगारें गी गिरफ्तार कीता ऐ। उं'दे कब्जे शा थेह्रार-असलाह ते गोला-बरूद बरामद कीता गेआ ऐ।
- मंत्री सतीश शर्मा होरें जम्मू दे बन्ने आहले इलाकें दा व्यापक दौरा लाइयै विस्थापित सरहदी बसनीकें दी वापसी ते आबादकारी आहले कम्में दा जायजा लैता।
- जम्मू संभाग दे बन्ने आहले संवेदनशील इलाकें च स्कूलें गी अज्जै थमां परतियै खोलेया जा'रदा ऐ।

<><><><><><>

IMF-Pak Conditions

अंतरराष्ट्री मुद्रा कोष (आई.एम.एफ) नै अपने मदादी कार्यक्रम दी अगली किस्त जारी करने आस्तै पाकिस्तान पर 11 नमियां शर्ता लाइयां न ते चेतावनी दिती ऐ जे भारत दे कन्नै तनाऽ करी योजना दे राजोषीय बाहरी ते सुधार मकसदें लेई जोखिम बधी सकदा ऐ। इक मीडिया रिपोर्ट मूजब आई.एम.एफ नै पाकिस्तान पर 11 होर शर्ता लाइयां न, जेदे कन्नै कुल शर्ता 50 होई गेइयां न।

पाकिस्तान पर लाई गेदियें नमीं शर्ते च 17 ट्रिलियन ते 60 बिलियन रुपें दे नमें बजट गी संसद दी मंजूरी बिजली बिलें पर दोआर सेवा अधिकार च बाददा ते त्रै सालें कोला मती परानी कारें दे आयात पर प्रतिबंध हटाना शामिल ऐ।

<><><><><><>

Army-Ceasefire

भारती फौजें, भारत ते पाकिस्तान बश्कार कल संघर्ष विराम खत्म होई जाने दे दावे आहले रिपोर्टें गी सिरे थमां खारिज करी दिता। इस मामले च स्पष्टीकरण दिंदे होई फौज नै आखेआ ऐ जे जंदे रोज भारत ते पाकिस्तान दे फौजी कार्रवाईएं सरबन्धी महानिदेशकें यानि डीजीएमओ स्तर पर गल्लबात दा कोई कार्यक्रम नेई ऐ हा। फौज नै इब्बी आखेआ ऐ जे जंदी 12 मई गी दौनें मुल्खें दे डीजीएमओ-एं बश्कार होए दे संघर्ष विराम दे समझौते दी कोई आखरी तरीक नेई ऐ ते ओह समझौता अजें बी लागू ऐ। जंदी 12 मई गी दौनें मुल्खें, बन्ने पर गोलाबारी नेई करने, बन्ने पर सैनिकें दी गिनतरी घटाने ते बन्ने ते अगेत्रे इलाकें च रमानदारी ते स्थिरता बरकरार रक्खने पर सैहमति जाह कीती ही।

<><><><><><>

Unexploded Shells Poonch

भारत ते पाकिस्तान दे सुरक्षाबलें दरम्यान फौजी टाकरे दे बाद जम्मू-कश्मीर च सिविल इलाके दी सफाई दे इक बड्डे अभियान च सेना नै पुंछ जिले च कब्जा रेखा दे कोल बक्ख-बक्ख अगेत्रें ग्राएं च 42 जींदा बम्में गी नकारा कीता। स्हाढ़े संवाददाता नै खबर दिती ऐ जे स्थानीय पुलस अधिकारियें कन्नै नेइद्यमा तालमेल करिए सेना नै झुल्लास, सलोतड़ी, धराती ते सलानी दे बन्ने आहले खेतरे च 42 जींदा बम्बें गी सुरक्षित ढंग्गै कन्नै नष्ट करने आस्तै इक सफल अभियान चलाया। इस बारै पेश ऐ इक रिपोर्ट स्हाढ़े जिला संवाददाता थमां

<><><><><><>

Shopian-Terror Associates

सुरक्षाबलें शोपियां जिले दे डी.के. पोरा इलाके च चलाए गेदे इक सांझे अभियान दरन आतंकवादिएं दे द'उं मददगारें गी गिरफ्तार करी लैता ऐ। फौज दी 34 राश्ट्री राईफल्स, सीआरपीएफ दी 178 बटालियन ते एस.ओ.जी. शोपियां दे इस सांझे अभियान दरान द'उं पस्तौलां, 4 हत्थगोले, 43 राउंद ते होर ऐतराज़-जोग समेयान बी बरामद कीता गेआ ऐ। शोपियां पुलसै मूजब, इस सरबंधै च मामला दर्ज करी लैता गेआ ऐ ते अगड़ी तफ्तीश कीती जा'रदी ऐ। खिते च स्थाई रमानदारी जकीनी बनाने ते आतंकवादी गतिविधिएं पर काबू पाने दी दिशा च सुरक्षाबलें दा एह अभियान बड़ा अहम साबत होआ ऐ।

<><><><><><>

Let-Terrorists Killed

बरे 2006 च राश्ट्री स्वयंसेवक संघ-आर.एस.एस मुख्यालय पर होए दे हमले दे मुख ख साजिशकर्ता लश्कर-ए-तैयबा दा आतंकी रजाउल्ला निजामनी खालिद उर्फ अबु सैफुल्लाह खालिद गी कल पाकिस्तान दे सिंध सूबे च त्रै बेपछानू बंदूकधारियें मारी मकाया। नमीं दिल्ली च अधिकारियें दस्सेआ जे खालिद बरै 2002 दी शुरूआत च नेपाल थमां लश्कर-ए-तैयबा दे आतंकी अभियानें दा मुखिया होंदा हा। आतंकी खालिद आर.एस.एस मुख्यालय पर हमले दे अलावा बेंगलुरु दे भारतीय विज्ञान संस्थान पर 2005 च होए दे हमले दे कन्नोकन्नी उत्तर प्रदेश दे रामपुर च केंद्री रिजर्व पुलिस बल दे इक्क शिविर पर 2008 च होए दे हमले दा बी मास्टमाइंड हा।

<><><><><><>

Satish-Jammu Tour

खुराक, सिविल सप्लाईज़ ते उपभोक्ता मामलें दे मंत्री सतीश शर्मा होरें कल जम्मू दे कलीठ, बट्टल, खड़ाह ठकार ते जोगवान इलाकें दा व्यापक दौरा लाइयै बन्ने आहले विस्थापित लोकें दी वापसी ते आबादकारी सरबन्धी कम्में दा आंकलन कीता। अपने दौरे दरान मंत्री होरें अपने घरें गी परतोआ करदे परोआरें कन्नै गल्लबात कीती ते उ'नेंगी सरकार दी तरफा हर मुमकन मदाद दा जकीन दोआया। उ'नें अक्षय पात्रा नांस दे गैर-सरकारी संगठन दे सैहयोग कन्नै प्रभावत लोकें गी 500 राहत किट्टां बंड्डियां।

मंत्री होरें इ'नें लोकें दे स्थाई पुर्नवास ते विकास लेई सांझे तौर उप्पर जतन कीते जाने दी जरूरतें पर जोर पाया ते अधिकारिणं गी आखेआ जे ओह् इस गल्लै गी जकीनी बनान जे सब्भनें जरूरी सेवाएं दी ब्हाली जकीनी बनाई जा।

<><><><><><>

Div-Com Mendhar

जम्मू दे डिवीजनल कमिशनर रमेश कुमार होरें सब-डिवीजन मॅडर दा दौरा लाइयै उत्थे पिच्छले दिनें पाकिस्तानी गोलाबारी करी होए दे नुकसान दा जायजा लैता। इस मौके पर पुंछ दे डिप्टी कमिशनर विकास कुंडल ते होर दुए वरिष्ठ अधिकारी बी उं'दे कन्नै हे। डिवीजनल कमिशनर होरें गोलाबारी दी मारै हेठ आए दे इलाकें दा दौरा करियै मुकामी लोकें कन्नै मलाटी कीती ते उं'दिणं समस्याएं गी सुनेआ। उ'नें पाकिस्तानी गोलाबारी दरान मारे गेदे लोकें दे परोआरें प्रति हमददीं जतांदे होई उ'नेंगी प्रशासन दी तरफा पूरी-पूरी मदाद दा जकीन दोआया। उ'नें अधिकारिणं गी निर्देश दिता जे ओह् इलाके च होए दे नुकसान दा समें-बद्ध ढंगगै'नै आंकलन करन तां जे प्रभावत लोकें गी फौरी राहत ते मुआवजा उपलब्ध करोआया जाई सकै। उ'नें अधिकारिणं गी इब्बी आखेआ जे ओह् खिते च रमानदारी ब्हाल करने लेई अपने कम्में दरान दया-हमददीं दी भावना रक्खन।

<><><><><><>

DC-Rajouri

तोआई रजौरी दे डिप्टी कमिशनर अभिशेक शर्मा होरें जिले च पाकिस्तानी गोलाबारी दी मारै हेठ आए दे ग्राणं लाम, लारोका ते किला दरहाल दा दौरा लाइयै उत्थे होए दे नुकसान दा जायजा लैता। उ'नें बसनीकें गी जकीन दोआया जे उ'नेंगी प्रशासन दी तरफा पूरी-पूरी मदाद उपलब्ध करोआई जाहग। उ'नें सरबंध्यत अधिकारिणं गी हिदायत दिती जे ओह् बेल्ले सिर राहत लेई नुकसान दे आकलन आहले कम्मै च तेजी आहनन। डिप्टी कमिशनर होरें सुरक्षाबलें दे सैहयोग कन्नै बसनीकें दी सुरक्षा जकीनी बनाए जाने दी जरूरतें पर बी जोर दिता।

<><><><><><>

Schools-Reopen

खिते च रमानदारी ब्हाल करने दी दिशा च इक बड्डी गेंह दे तैहत जम्मू संभाग च अज्जै थमां बकाया रैंहदे सब्भै सरकारी ते निजी स्कूलें गी फही खोलेया जा'रदा ऐ। स्कूली शिक्षा विभाग जम्मू नै ज़ोनल शिक्षा अधिकारिणं गी निर्देश दिता ऐ जे ओह सुरक्षा सरबन्धी नियमें दी सख्ती'नै पालमा जकीनी बनान। स्कूलें दे प्रमुखें गी आखेआ गेआ ऐ जे ओह मुकामी प्रशासन कन्नै तालमेल बनाइयै कम्म करन।

<><><><><><>

Dogra-Art Museum

डोगरा आर्ट म्यूजियम जम्मू आसेआ कल अजैबघरें सरबन्धी अंतरराष्ट्री ध्याड़ा मनाने आस्तै बसोहली लघु चित्रें पर इक विशेष नमैश दा आयोजन कीता गेआ। अभिलेखागार, पुरातत्व ते अजैबघर मैहकमे आसेआ आयोजित इस कार्यक्रम च बसोहली कला दी समृद्ध बिरासत गी सम्मानित कीता गेआ जिसी एहदे औखे ब्यौरे ते जीवंत रंगें आस्तै मानता दिती गई ऐ। इस बारै आकाशवाणी समाचार कन्नै गल्ल करदे होई डोगरा आर्ट म्यूजियम दे साबका कला संरक्षक कृपाल सिंह होरें आखेआ।